

五邊典則

顧廷龍署



五邊典則

卷五

五邊典則卷之六

信安徐日父子卿父集

勾餘施邦曜爾

閩漳張

熒紹和父

成化十八年六月巡撫山西都御史何喬新  
言山西內迫

京畿外控夷狄實西北重地比年旱澇相仍師  
旅數動倉廩多空軍伍多缺人民轉徙未歸  
戰馬倒死者未補皆急務也臣謹以撫民安  
邊事宜列上乞

賜裁處一減起運以紓民力山西所屬夏稅秋糧計二百二十七萬三千一百六十七石洪武永樂間自存留外僅輸給大同各衛并鴈門偏頭二關正統末年虜寇犯邊乃以太原等府澤潞等州稅糧輸之宣府成化二年官軍欲擣河套乃以各屬稅糧輸之榆林自此存留數少豐稔之年僅僅足支遇有荒歉所收俱輸宣府榆林而鴈門等關所派多無徵之數內地諸倉又全無派撥以致王府諸司

祿俸不足加以轉輸邊倉正糧之外又追餘價困弊之民其何以堪況今內地倉廩俱無餘積猝有師旅其何以給竊見宣府糧草舊係山東直隸屬府給之榆林糧草舊係陝西給之乞俯念山西人民凋瘵公私匱竭

勅所司自明年以後如舊坐派而山西糧草止派大同餘存留三關并內地諸倉廩倉廩有積人民少甦一增軍伍以實邊衛山西所屬衛所原額官軍六萬一千二十名實有三萬

七百三十五名其間操守大同等處者二萬  
四千九百七十七名見在衛所僅五千七百  
五十八名而又多疲老兵備寡弱莫此爲甚  
切惟國初以來山西人民編戍南方諸衛所  
去家遠甚非其土性多致死亡諸衛所清勾  
不已彼無守禦之實此有分擾之苦乞自今  
年以前已清出應解雲南貴州廣東廣西湖  
廣江西浙江福建南直隸衛分者俱留本處  
撥補缺軍衛所仍行原衛所開豁籍冊自

有所規避而逃者則仍前起解原衛度俯順  
民情有益邊備一折收稅糧以撫逃民比年  
人民在在逃竄而山西州縣爲甚姑舉其一  
二甚者言之若平陽之稷山縣原額田地四  
千五百八十餘頃納歲糧三萬七千餘石洪  
武間差官履畝檢覈凡山崗溝澗沙礮不堪  
耕種之地槩令起科共計量出田地二千五  
百五十餘頃增稅糧四萬一十餘石至今賠  
納艱窘殊甚又如寧鄉縣山溪土瘠自洪武

以來逃移死絕人戶一千六百有奇田地荒蕪毀棄遺下稅糧一萬餘石累及見存里甲其後每歲免徵十五折納錢贖民稍甦省至景泰間以邊糧缺乏如舊全徵故此二縣凋敝特甚逃移最多今宜如例每石折銀三錢草每束折銀二分俱解布政司收候豐年發至邊關就糴度幾流亡自歸田野自闢一招募馬以嚴邊備偏頭關最爲要地近年以馬數倒死殆盡見馬僅三千有奇其

間又多瘦弱不堪在戰倘遇虜寇來不能禦  
去不能追誠爲可慮乞以大同納米之例推  
行山西至若官吏監生犯罪爲民有能納馬  
六匹銀六十兩者亦給與冠帶軍職犯罪例  
該立功者有能納馬八匹或銀八十兩就令  
還職帶俸差操如此則戰馬數多足以制虜  
一蠲墳地之稅以利民山西諸

王府親王郡王將軍妃夫人郡縣主薨逝例於  
公家隙地營葬塋域廣狹已有定規近年以

來

王府主喪者往往假以擇吉爲繇奪據民間膏腴之地例應畝步若干則照畝築垣其上垣外各侵數步以築攔馬之堤不循舊例多占畝數地利盡歸

王府額稅仍及小民夫古之葬者必擇不食之地所以爲長遠慮也乞究親王以下墳地原係小民稅地者卽除其額稅仍

勅所司通行山西

王府自後凡遇造墳安葬如境內無可用官地  
照例領給官價撥買民地卽如數豁其糧草  
毋得侵及小民如此則貧民可免包納稅糧  
之苦一廣鹽池之利以足用河東運司所轄  
鹽戶一萬七千五百餘丁歲辦鹽課三十萬  
四千引每歲春月鹽花生結則鹽丁下池取  
之課足卽止不過兩月臣詢之鹽池周圍百  
餘里每年三月以後鹽花不時生結鹽戶所  
取不過十二其餘自凝自化置之無用殊爲

玉通典則  
卷六  
三  
可惜乞

勅所司議令山西問刑諸司將徒流以下罪囚  
俱發運司以廉幹官一員領之每歲二月以  
後令之採取餘鹽不爲定額隨其多寡收貯  
易銀或以供給邊用或以糴糧備荒奏入  
詔付所司議處之

十九年六月大同總兵官許寧等奏比得降  
虜言虜酋小王子等擁衆近邊密遣人覘入  
寇之路及大同東中西三路俱有虜報恐也

方廣漫兵力不足乞調延綏官軍五千協同  
戰守事下兵部尙書張鵬等請如所奏

命監督軍務總兵等官同太監金輔新寧伯譚  
祐等閱視原選官軍待報啓行永平山海等  
處亦令練兵以俟領兵官定擬以聞旣而祐  
等以所選官軍五千不足調用而芻糧必先  
預備仍乞遣文職重臣叅贊軍務

上命增五千軍務委大同宣府都御史叅贊芻  
糧委戶部分司官整備先令遊擊將軍馬俊

帥兵三千協助先發者人各給銀一兩尋

命安順伯薛瑄駐永平都督同知白瑜駐密雲  
各領兵三千復令都督同知白全充右叅將  
七月宣府總兵官周玉巡撫都御史秦紘等  
馳奏十三日准大同總兵官許寧等報煤峪  
口等處虜賊萬餘越山而南大肆劫掠寧等  
督兵與戰數合比暮歛兵相持異日虜復以  
三萬餘騎突至與之鏖戰二晝夜勝負未決  
臣等據報隨調副將江山等將兵應援仍行

緣邊有警之處分守守備等官各領屯兵戰  
守臣玉臣紘則分駐於萬全左右以節制之  
奏至

上曰昨大同報虜擁衆入境已遣人馳視今宣  
府警報復至可見虜勢猖獗無疑矣京軍若  
復待報啓行恐緩不及事其令馬俊率所統  
兵兼程而進務必合勢奮擊以圖成功毋或  
遲緩誤事

大同總兵官許寧等奏虜酋小王子於本月

十一日率三萬餘騎寇邊東西連營五十餘里我軍僅萬餘而宣府延綏援兵未至遂部分諸將以禦之十三日虜緣山而南入我內地卽遣左叅將劉寧遊擊將軍董昇督兵先發臣等將兵四千分爲三哨繼進行至毛家皂寧昇猝與虜遇臣等方督兵馳赴而先鋒都指揮張鉞楊彪等已與虜戰於灰河尋遣都指揮劉江王崇李安等應援連戰數合日暮於夏末三哨分路討賊兵虜復集衆攻

圍鉞彪至曉臣等乃先設伏截其歸路遂揚  
兵西北虜見塵起相顧駭愕而周璽等復鼓  
勇向之虜遂奔北盡棄所獲而去復爲叅將  
莊鑑少監陸問等據險邀擊虜驚潰還走出  
境計連戰二日一夜生擒一人斬首一十七  
顆獲馬五十四匹衣甲弓箭等物九百七十  
餘奪回牲畜一萬六千六百餘我軍亦陣亡  
五百八十六人被傷一千一百一人射死馬  
一千七十而石巖等亦敗虜三百餘騎於江